

Dr Mahathir ucap tahniah kemenangan Narendra Modi

Kuala Lumpur: Tun Dr Mahathir Mohamad semalam mengucapkan tahniah kepada Perdana Menteri India, Narendra Modi atas kemenangan bersejarahnya pada pilihan raya Lok Sabha (Dewan Rendah Parlimen) 2019.

"Tahniah @narendramodi atas kejayaan anda yang jelas dalam pilihan raya India. Kami berharap dapat mengukuhkan hubungan kita terutamanya dalam perdagangan dan industri," kata Perdana Menteri menerusi laman Twitter

beliau, semalam.

Khamis lalu, Modi mengetuai Parti Bharatiya Janata (BJP) mencapai kemenangan besar untuk penggal kelima dengan memenangi 303 kerusi dalam Lok Sabha yang mempunyai 543 anggota.

Parti pembangkang utama, Kongres Kebangsaan India (Kongres) hanya memperoleh 52 kerusi yang tidak mencukupi untuk menduduki jawatan ketua pembangkang di Dewan baharu. Kelmarin, Modi dilantik sebagai Perdana

Menteri Lok Sabha ke-17.

Pengundian berlangsung hampir enam minggu untuk menampung hampir 900 juta orang yang layak mengundi pada pilihan raya terbesar dan terpanjang di dunia itu.

BERNAMA